

後村先生大全集

四四

後村先生大全集卷之一百七十七

詩話續集

朱氏感興詩第七章以唐經亂周史答歐陽子卒章  
曰侃侃范太史受說伊川翁春秋二三策萬古開辟  
蒙此一大議論通鑑綱目所為作也學者相承皆謂  
其說本于程氏而范氏朱氏發之其實未然按唐史  
沈既濟傳云既濟吳人以宰相楊炎薦為史館修撰  
初吳兢撰國史為則天本紀次高宗下既濟奏議以  
為則天進以強有退非德讓史臣追書當稱為太后  
不宜曰上中宗雖降居藩邸本吾君也宜稱皇帝不

宜曰廬陵王睿宗在景龍間假臨大寶于誼無名宜  
曰相王未容曰帝且則天改唐為周立七廟今以周  
廟唐列為帝紀考于禮經是謂亂名中宗嗣位在太  
后前而序年製紀反居其下方之躋僖公是謂不智  
昔漢高后獨有王諸呂為負漢約無遷鼎革命事時  
孝惠已歿子非劉氏不紀呂后尚誰與哉議者猶謂  
不可魯昭公之出春秋歲書其居曰公在乾侯君在  
雖失位不敢廢也請省天后紀合中宗紀每歲首必  
書中宗所在以統之曰帝在房陵太后行其事改某  
制紀稱中宗而事述太后名不失正禮不違常矣又

云太后遺制自去帝號及中宗上冊后之名不易今  
祔陵配廟皆以后禮宜入皇后傳顯曰則天順武皇  
后議不行而止蓋吳兢承遷固呂紀之誤歐公承兢  
武紀之誤中間有一沈既濟健論卓識照映千古蓋  
乞削去武紀者既濟也引公在乾侯例書帝在房陵  
者亦既濟也其間此議在伊洛諸賢之先諸老先生

非掩人之善者偶未之見耳

已未二月十九夜偶  
讀沈傳時年七十二許

由事不見于經故揚雄以為疑誠齋云子雲到老不  
曉事不信人間有許由雖沉着痛快終未有以折衷  
鄱陽前輩湯君錫獨曰堯始讓四岳四岳舉舜乃讓

於舜左傳云夫許太岳之後杜注云堯四岳然則太岳非由乎後人遂有洗耳之說爾援引切而說不鑿可謂之善讀書矣君錫名師中苦學強記既科第遽棄官亦不求岳廟以終其身與趙昌甫友善南溪柴公序其文人物高勝并伯仲能李庸之兄伯紀之父也瞻彼中林侯薪侯蒸古注云朝宜有君子而但聚小人韓嬰引晏子謂齊景公左右者為社鼠用事者為惡狗出則賣君效利入則託君不罪亂法君又并覆而有之此社鼠之患也人有市酒甚美之者至酸而不售問里人里人白公之狗甚猛人持器欲往狗

輒迎而齧之所以不售也士欲白萬乘之主用事者  
迎而齧之此國之惡狗也此事與經文若不相涉而  
深有發明他多類此

魯監門之女嬰相從績中夜而涕泣其偶曰何泣也  
嬰曰吾聞衛世子不肖所以泣也其偶曰衛世子不  
肖諸侯之憂也子曷為泣也嬰曰昔宋桓司馬得罪  
于君出于魯其馬佚而驟吾園而食吾園之葵是歲  
園人亡利之半旬踐攻吳諸侯畏其威魯往獻女吾  
姊與焉兄往視之道畏而死越兵威者吳也兄死者  
我也今衛世子甚不肖好兵吾能無憂乎韓引此事

解大夫跋涉我心則憂極有義味

與列女傳織室  
女事大同小異

南有喬木不可休息漢有游女不可求思韓傳此章  
云孔子南遊適楚至于阿谷之隧有處子佩瑱而浣  
者孔子抽觴以授子貢曰善為之辭以觀其語子貢  
曰逢天之暑願乞一飲以表我心婦人對曰欲飲則  
飲何問婦人授觴挹之置之沙上曰禮不親授子貢  
以告孔子抽琴去其軫授子貢曰善為之辭子貢曰  
于此有琴而無軫願借子以調其音婦人對曰吾野  
鄙之人也五音不知安能調琴子貢以告孔子抽絺  
綌五兩以授子貢曰善為之辭子貢曰于此有絺綌

五兩吾不敢以當子身敢置之水浦婦人對曰客分  
資財棄之野鄙吾年甚少何敢受子子不早去有狂  
夫守之者矣信如此言是此女能以禮自防而聖賢  
乃再三設詞以挑試之此前世陋儒之說而韓氏取  
之謬矣

晉文公亡里鳧須從盜文公資而亡重耳餒不能行  
子推割股肉以食然後能行及反國國中多不附里  
鳧須造見曰臣能安晉國文公曰子尚何面目來見  
寡人也里鳧須曰臣襲竭君之資而君以餒罪至十  
族然君試赦之罪與驂乘遊于國中百姓見君不念

舊怨人自安矣文公從其計百姓皆曰里鳧湏且不  
誅而駢乘吾何懼也事在雍齒之前

楚熊渠子夜行見寢石以為伏虎彎弓射之沒金飲  
羽事在李廣之前

卜商從衛君而見趙簡子簡子被髮杖矛而見我君  
我趨而進曰諸侯相見不宜不朝服不朝服行人卜  
商將以頸血濺君之服矣簡子反朝服而見事在蘭  
相如之前

齊莊公出獵有螳螂舉足將搏輪莊公迴車避之而  
勇士歸之事在句踐攝怒蛙之前

孔子燕居子貢攝齊而前曰才竭而短不能復進請  
一休焉子曰若之何其休也子貢曰君子亦有休乎

子曰闔棺乃止

語曰死而後已

君子避三端避文士之筆端勇士之鋒端辯士之舌

端

以上見韓詩外傳

東海有勇婦何慙蘇子卿學劍越處子超騰若流星  
捐軀報夫讎萬死不顧生白及曜素雪蒼天感精誠  
斬首掉國門蹴踏五藏行豁此伉儷憤粲然大義明  
北海李史君飛章奏天庭舍罪警風俗流芳播滄瀛  
志在烈女籍竹帛何光榮按唐烈女傳逸此女子事

亦無姓名賴太白詩以傳李史君必邕也

世謂謫仙眼空四海然贈孟浩然云吾愛孟夫子上  
李邕云宣父猶能畏後生大夫未可輕年少則盡尊  
宿之敬與侍郎遊洞庭云三盃容小阮醉後發清狂  
獻當塗宰從叔陽冰云吾家有季父傑出聖代英則  
執子姪之恭集中與群衆兄弟從甥姪多所稱獎與  
郡縣小吏如何判官云夫子今管樂未知判官何如  
人而當此句崔司戶昆季云千金散義士四座無仇  
賓欲折月中桂持為寒者薪必疎財好客者如崔秋  
浦鄭溧陽皆比之陶令談少府劉少府皆比之梅生

其于人情世法亦甚委曲未嘗以金閨之彥青雲之士自居杜公氣象亦如此

上哥舒大夫述德陳情一篇其辭甚褒是先與哥舒有往還矣及流夜郎贈江夏韋守叙亂離事則云幽關壯帝居國命懸哥舒長戟三十萬開門納兇渠直書其罪曾不少恕與杜老同

繫潯陽獄上崔相三詩末篇云縱為夢裏相隨去不  
是襄王傾國人此言迫脅而行非其腹心上客而或  
者注云此一首恐非上崔相者誤矣送王屋山人魏  
萬五言云十三弄文史魏亦有酬李翰林一篇見李

集云宣父敬項橐林宗重黃生則魏之年甚少亦可  
見謫仙忘年折節處魏詩高自稱道與任華同二人  
敢與李杜唱酬其瞻不可及矣

東武吟云白日在高天迴光燭微躬清切縈霄迴優  
游丹禁通君王賜顏色聲價凌烟虹一朝去金馬飄  
落成飛蓬贈送陟云早懷經濟冊特受龍頭顧白玉  
棲青繩君臣忽行路二詩與杜公集賢學士如堵墻  
觀我落筆中書堂往時文采動人主此日饑寒趨路  
傍之作悲壯略同

古樂御使君謝羅敷可共載無羅敷前置辭使君

一何愚使君自有婦羅敷自有夫東方千餘騎夫婿  
居上頭三十侍中郎四十專城居是羅敷之夫亦五  
馬矣共載之問何使君之佻易也豈亦寓言如金吾  
子之類耶

謝惠連擣衣篇云腰帶准疇昔不如今是非張籍殷  
勤為看初著時征夫身上宜不宜張文潛別來不見  
身長短若比小郎衣更長之句皆本此

玉臺新詠如是妾愁成瘦非君重細腰如絃斷猶可  
續心去最難留如城中皆半額非妾西眉長如怨黛  
舒還斂啼粧拭更垂有唐人精思所不能及者

尹和靖詩禮二三首其自秦入蜀道中云綠陰深處  
竹籬遮也有紅花映白花却憶故鄉卿相第不及張  
三李四家和靖洛人洛陽名園甲天下一旦蕩為劫  
灰故其詩如此又一絕云南枝北枝春事休啼鶯乳  
燕也念愁朝來回首頻惆悵身過秦川最盡頭亦甚  
佳

自神放常秩後惟尹和靖得位最速然一生轉徙患  
難全家死虜禍僅以身脫南渡再召已六十七歲不  
兩年至從橐其峻擢以力拒偽齊亡命入蜀不專為  
程氏高弟之故

秦少游嘗謫處州後人摘柳邊沙外詞中語為鶯花  
亭題詠甚多惟茵祭酒一絕云人言多技亦多窮隨  
意文章要底工淮海秦郎天下士一生懷抱百憂中  
張天覺晚尤重釋老為華嚴閣醮錄會蠅黃皆歸之  
了翁以詩代書曰辟穀非真道談空失自然何如勲  
業地無愧即神仙天覺雖貴為宰相平生有愧多矣  
若果如釋老之說竊意其昇天成佛必在了翁之後  
或言了翁詩末句不該佛然佛亦謂之金仙后山云  
稽首西  
方鶴相海外書其稱子詞翰陶商翁有別才珙詩云風  
霜慈母衣中線塵土先人壁後書珙乃鶴相之子必

好學者

陶商翁五言如泉鳴社旁樹盜發塚中金煉成丹竈  
在騎去鶴巢空鹿飲沙渾水援饑菓落雲七言如將  
老未聞金作印師寒猶用鐵為衣山險不能留霸業  
水聲惟解送年華道近可憐駑馬駿時平不見布衣  
雄之類皆可傳

朱新仲題元英舊隱云五季浪天不覆漢翁船語  
意甚新不犯前人

屏山子魚詩云虐戲等割孕淫刑真戮孥茶山食蜂  
兒云奪食已非義焚巢真不仁殺身緣底罪作備定

何人二詩可戒暴殄天物者

鄭左司子敬家有玉臺後集天寶間李康成所選自  
陳後主隋煬帝江總庾信沈宋王楊盧駱而下二百  
九人詩六百七十首彙為十卷與前集等皆徐陵所  
遺落者往往其時諸人之集尚存今不能悉錄姑摘  
其可存者于後

詠王昭君 忽見天山雪還疑上苑春

張文琛

漢月正

南遠燕山直北寒

董思恭

厭踐冰霜域嗟為邊塞人思

從漢南獵一見漢家塵又云自嫁單于國長街漢掖

悲容顏日憔悴有甚畫圖時

郭元振三首內一首已入詩選香山云愁辛苦

勤樵悴盡而今却似一雙淚滴黃河水應得東流入

漢家王偃

舟行有返棹水去無還流沈佺期古離別暮暮望歸客依依

江上船潮落猶有信去楫未知旋張繼望歸舟送別到中

流秋船倚渡頭相看尚不遠未可即回舟祖詠愁怨長階

落花滿空院野鶯啼子揚不帝歸拂簾承花落開簾待燕

歸陳子良學小度體玉淑花紅發金塘水碧流相逢畏相失

並著採蓮舟崔國輔採蓮常聞浣紗女復有弄珠姬張祐採花

映花誰辨色隔樹不分香晁祖道詠屏風五侯新拜罷士貴

早朝歸江總長安路書因計吏船徐陵街蘆處處落無有繫

是雪不悟有春來

蘇子卿

是雪勝

之傳語春光道先歸何處邊

春日

帝成童片子時變老

須臾事

劉

詠古 君王無處所臺榭若平生

王勅 崔故

妾妬今應

改君恩昔不平

張修 長門怨

閨

是來

東窓異昔時今宵一長夜應斂

幾人

望月團扇辭罷迴文贈辛苦

李金鈞全

出樹桑

半隱籬欲教見纖手攀取最高枝

周宏正 拜桑

作商人婦愁雨復愁風

晁

江扇掩將離曲釵承

墜馬鬢

張昌宗太平

古調琴先覺愁容鏡獨知

王適 古離

別退之所謂  
奇男子者

一夜千年猶不

徐陵自憐年正少復倚

婿為郎

崔顛王

髮薄不勝花

謝憊還恐裁縫罷無信達

交河

虞世

小膽空房怯長眉滿鏡愁為傳兒女意不

用遠封侯

常理古

殺荷不斷藕憐心已復生

梁陳在

家嬌小女卷慢愛花叢不畏羅衣濕折花風雨中

張

容欲作勝花粧從郎索紅粉

欲呈纖纖手從郎索

指鐶

丁六

詩娘

天寶間大詩人如李杜高適岑參輩迭出康成同時

乃不為世所稱若非子敬家偶存此編則詩多佳句

失傳矣中間自載其詩八首如自君之出矣絃吹絕

無聲思君如百草撩亂逐春生似六朝人語如河陽  
店家女長篇一首押五十二韻若欲與木蘭及孔雀  
東南飛之作方駕者末云因緣首合會萬里猶同鄉  
運命倘不諧隔壁無津梁亦佳但木蘭始代父征伐  
終潔身來歸仲卿妻死不事二夫二篇庶幾發乎情  
惟止乎禮義店家女則異是王嫗兒雖蓬頭歷齒母  
許媾之矣女慕鄭家郎裘馬之盛背母而奔之康成  
卒章都無譏貶反云傳語王家子何為不自量豈詩  
人之義哉

汲冢書十卷七十篇與藝文志周書七十一篇合但

少一篇晁子止謂其記

李仁父謂書多駁辭

宜孔子所不取又謂劉向司馬遷班固皆嘗見此書  
其後稍隱及盜發塚乃幸復出中間所載武王征四  
方馘億有十萬七千七百七十有九俘三億萬二百  
三十暴于秦皇漢武矣有禽虎二十有二麋五千二  
百三十五犀十有一犛七百二十有一熊百五十有  
一羆百一十有八一百五十有二貉十有八麇十  
有十鹿三千五百有八紂囿雖大安得熊羆  
如是之衆又謂俘商寶玉億有百篇皆荒唐誇誕不  
近人情非止于駁而已百篇聖筆所定孟子猶疑漂

杵之語前

忘言觀道妙六經俱是不全書

况汲冢書之類乎

商辛燔二女縊世為太公蒙面以斬妲己非也柳子厚非國語笑其誣且耄汲冢書云叔向使周見太子晉歸告平公曰太子晉行年十五而臣弗能與言請歸周之二邑若不反及有天下將以為殊平公將歸之師曠不可曰請使暝臣往與之言往見太子問答往復師曠不能難稱善曰王子汝將為天下宗乎王子曰吾問汝人之年長短告也師曠對曰汝聲清汗汝色赤白火色壽王子曰吾後三年上賓于帝所師

行木先生全集  
曠歸未及三年告死者至子晉靈異容有此理但曠  
瞽而聰聲清聽而知之火色瞽豈能辯豈非誣而耄  
歟

高文虎作西湖放生池記以鳥獸魚鼈咸若為商王  
事太學諸生為謔詞哂其誤陳晦行史集賢制用昆  
命元龜字閩帥倪侍郎駁論之陳累疏援引唐人及  
本朝命相制皆用此語史擢陳臺端劾倪削秩罷去  
或為一聯云舍人舊錯夏商鼈御史新爭舜禹龜聞  
者絕倒

石敏若絕句云來時萬縷弄輕黃去日飛毬滿路旁我

比楊花更飄蕩楊花只是一春忙

袁紹檄孟德云贅閹遺醜徐敬業檄武氏云一坏之  
土未乾六尺之孤何託侯景檄湘東云項羽重瞳尚  
有烏江之敗湘東一目豈為赤縣所歸皆罵得毒矣  
然操能全陳琳武后不怒駱賓王反為宰相安得失  
此人惟湘東竟殺王偉偉教侯景覆臺城餓武帝弑  
簡文辱妃主萬死宜也湘東始悅其五言詩而  
欲活之及見一日之檄偉遂不免志九廟之讎恥快  
一身之喜怒安得令終乎

石曼卿詩惟籌筆驛詞翰俱妙人所傳誦及樂意相

關禽對語生香不斷樹交花一聯為伊洛中人所稱  
他作若不甚見晚得其集石徂徠作序稱其與穆叅  
軍以古文自任而曼卿尤豪于詩石自序性懶有作  
不能錄早詩解記數百篇過壯記益衰近幾盡廢有  
收百篇來者覽之或能尚識或如非已言久迺能辨  
遂併近詩存三百篇藏之于家歐公尤重其人范公  
有鑿幽索秘破堅發竒高凌雲霓清出金石之評集  
中華山泰山嵩山五言長篇各一首筆力在薛能之  
上餘警句尚多五言云行人晚更急歸鳥夕無行登  
樓天寒河影淡山凍瀑聲微山寺水盡天不盡人在

天盡頭 高樓草白有時榮 髮白不再好 人生不知春

髮白不如草

贈別

戈下失冥鴻 網細遺巨鷗

送李風庭芝

勁香逾遠 天寒色更鮮 秋天買不斷 無意學金錢 叢

菊七言云 洛渚微波長 映步漢宮香 水不濡肌 荷花

獨步世無吳苑驢 渾身天與漢宮香

牡丹

恥生湯武

干戈域寧死 唐虞揖遜區

首陽山自注山在滿舜都也

汾河不斷

天南流 天色無情淡如水

寄尹師魯

南朝文物盡清賢不

事風流 即放言三百年間却堪笑 絕無人可定中原

南中散 何人踈懶甚 步兵因酒過差多 自諭皆清白

有氣骨

曼卿紅梅詩云認桃無綠葉辨杏有青枝坡公以為  
村學堂中語然卒章云未應嬌意急發赤怒春遲不  
害為佳作也

沈相落職制云君人臨照百官蓋欲其情白以承休  
德宰輔儀刑四海豈宜以罷利而居成功繫予既老  
之臣自喪不貪之寶其還顛秩用厭師虞具官某頃  
以藩條擢聞機政惟人求舊為文武可以憲邦秉國  
之鈞何風采不如治郡朕猶虛己日佇告猷精神強  
而折衝未聞宏略血氣衰而戒得以減庶聲既已乖  
鼎鼐之調始欲掛衣冠而却雖曲全于體貌乃荐致

于抨彈其鐫祕殿之華俾即安車之佚意君子慎始  
防嫌疑于未然貴臣抵辜尚遷就而為諱慨往愆之  
莫揅期脫節以自全陳樞降官制未云為祈父之爪  
牙初期陳力視秦人之肥瘠良負虛懷時于湖年未  
三十而筆力高簡如此沈生簞簞陳生辭難而貴兩  
制尾聯皆妙益公行葉樞貴詞亦精切然稍費詞矣  
于湖詩若不逮總得然上丁齋宿云北來被髮車連  
野東走乘桴浪接天汲汲兩宮常肝食受膳歸去淚  
如川與胡邦衡云夢了瓊崖身益壯煙銷金塢空  
傳之作極佳

世宗欲相陶穀范質不可而止穀以為怨及建隆相  
質穀當制云十年居調變之司一旦得變通之術以  
報前忿范讀之泣下余謂穀徒知識玩范文素不知  
禪文出于袖中乃變通之尤甚者况陳橋之變文素  
固嘗以大義責新朝然熙陵尚惜其欠世宗一死而  
穀預為揖遜之紹與樊系作冊文何異藝祖太宗皆  
不大用聖矣哉

信州道旁有泉一泓甚清溉田極廣舊  
變亭午暑如焚恰恨都無一點雲六月  
乎渴殺老叅軍潘道遙詩也而集迺

傳載其牡丹一絕而逸此詩徐家子信豈未之見  
淵明有述酒詩自註云儀狄造杜康潤色之而終篇  
無一字及酒山谷謂述酒一篇蓋闕此篇多不可解  
韓子蒼因山陽下國一語疑是義熙以後有感而作  
至湯伯紀始反覆詳攷以為零陵哀詩又謂淵明歸  
田本避易代之事而未詳明言之至此主弑國亡其  
痛疾深矣雖不敢言而亦不可不言故若是夫辭之  
腴也湯箋出然後一篇之義明其間如峽中納遺董  
朱公練九蕙之句又詠貧士云阮公見錢入即日棄  
其官又云昔在黃子廉二事未詳出處子廉之名僅

見三國志黃蓋傳清貧事無所考伯紀闕疑以質于  
余余亦不能解

徐思遠絕句云紙衣竹几一蒲團閉戶燃萁自屈盤  
誦徹離騷二十五不知月落夜深寒水心稱思遠有  
凍餓自守之樂非過也

姜堯章有平聲滿江紅自敘云舊詞用仄韻多不叶  
律如末句無心撲歌者將心字融入去聲方諧音律  
余欲以平韻為之久不能成因泛巢湖祝曰得一席  
風當以平韻滿江紅為神祿壽言訖風與帆俱駛頃  
刻而成末句云聞珮環則協律矣其詞云仙姥來時

政一望千頃翠瀾旌旗與亂雲俱下依約前山命駕

群龍金作軌相從諸娣王為冠

廟中列坐如夫人者十五人

向後

深風定悄無人聞佩環神竒處君試看奠淮右阻江  
南遣六丁雷電別守東關應笑英雄無好手一篙春  
水走曹瞞又怎知人在小紅樓簾影間此闕佳甚惜  
無能歌之者

羅鄂州文雖少而善集中鸚鵡洲賦二篇其首篇云  
登黃鶴之高樓兮欣徙倚而四顧何南望而獨愁兮  
有正平之遺處指垂堂而示戒兮何足以知君子之  
度方黨禁之既解兮凜凜清議其尚存無罪而戮一

介兮衆必爭起而譟謹士猶恃此而不恐兮時亦直  
情而徃行寧知嗾夫妾庸兮使之魚月而甘心稽建  
安之事勢兮魏甚莞而漢枯每不忍其綴旒兮思忠  
憤之稍攄惟不擇其所發兮遂至于顛沛而闕踈當  
其解衣而慢侮兮坐皆驚悸而失箸吾謂死于漁陽  
之搽搥兮何預乎鸚鵡之一賦使英雄初無殺心兮  
雖頗苦而終赦惟此客以授我兮宜相與尸祝之  
不暇兵在頸而追救兮奈何以此欺天下萬一僥倖  
而脫身兮終亦無以自全北海伏正而擊戮兮德祖  
以俊而銜冤三人者蓋一體兮必且脣亡而齒寒嗟

繁城之佐命兮非不巧于自營挈四伯之基祚兮與  
一身孰為重輕來者滔滔如江水兮方攘臂而議先  
生詆文章為浮薄兮至或以比乎盆成苟吾言之獲  
信兮猶足以吐千古之不平二賦皆佳此篇乃其兄  
所作有祭田橫墓文之意

鄉前輩柯夢得字東海一生苦吟有抱甕集古詩學  
孟東野然稍辟晦有夢蝶絕句云一覺千年一轉機  
覺來還是夢還非當時夢裏知為蝶便好穿花傍水  
飛前人所未道也

後村先生大全集卷之百七十七

後村先生大全集卷百七十八

詩話續集

過秦論云陳涉鋤耰棘矜不銛于鉤戟長鍛謫戍之  
衆非抗九國之師深謀遠慮行軍用兵之道非及曩  
時之士其語本呂覽曰驅市人而戰之可以勝人之  
厚祿教卒老弱罷民可以勝人之精士練材離散係累可  
以勝人之行陣整齊鉏耰白挺可以勝人之長鈇利  
兵賈生可謂善融化者發云出輿入輦命曰蹶痿  
之機洞房清宮命曰寒熱之煤皓齒蛾眉命曰伐性  
之斧甘脆肥醲命曰腐腸之藥其語亦本呂覽云出

則以車入則以輦命之曰招蹶之機肥肉厚酒命之  
曰爛腸之食靡曼皓齒鄭衛之音命之曰伐性之斧  
但增損一兩字爾此韓公所以有後皆視前公相襲  
由漢至今用一律歟樊川阿房宮賦中間數語特脫  
換揚敬之華山賦爾未至若枚乘之純化前作也

反騷云君子得時則行不得時則龍蛇何必湛身哉  
朱氏謂雄乃屈原之罪人豈以美新任莽為龍蛇乎  
然雄語亦本呂覽云一龍一蛇與時俱化秦漢未遠  
語多相

善學者若齊王之食雞也必食其跖數千而後足

雞跖

足物莫不有長莫不有短善學者假人之長以補其短宋景文自名其集曰雜詔本此

句踐欲報吳大夫逢同諫曰鷺鳥將擊必匿其形呂覽云諸搏攫抵噬之獸其用齒角爪牙也必託于卑微隱蔽詞費于逢同矣

如臨深淵如履薄冰小雅詩也小旻小宛二篇及孝經互見呂覽以為出于周書誤矣高誘序云不韋以其書暴之咸陽市門懸千金其上有能增損一字者與千金時人無能增損者誘以為時人非不能增損憚相國畏其勢耳記誤小雅為周書而莫敢指謫則

懸金何為哉

溥天之下莫非王土率土之濱莫非王臣亦小雅詩四月篇也呂氏以為舜自

作不知何所據或以誤引孟子

晉將攻鄭令叔向聘焉視其有人與無人子產為之  
詩曰子惠思我褰裳涉洧子不我思豈無他士叔向  
歸曰鄭有人焉不可攻也按涉洧之章乃男女恩怨  
相爾汝之辭子產謂晉不撫我豈無秦荆可事乎古  
人舉詩辭不迫切而意已獨至皆類此

獨孤常州名及字至之遠遊賦略云凭東井以俯視  
識故國之城闕千門萬戶遙如蟻穴覓舊山與喬木  
纔依稀而明滅見伊川大道鞠為戎狄歷陽故人半

作魚鼈曩之奔命于市朝者如紛紜飛馳譟譟啞啞  
蹙躡翩躚肖翹陸離若蟻蟲之聚壞絮蜘蛛之乘游  
絲吾乃今日識群動之變態兮覓然倚長空而笑之  
亦既自得周覽未必揚然形開萬象如失群有儼以  
皆作百慮續其來歸乃宿昔之人寰始故時之喧卑  
問之俯仰欣戚無非妄者然後知吾之生也與妄俱  
生邪氣乘之萬緣合并為憂而患為虧而盈彼碌碌  
者自以為覺猶飾妄以賈名甚佳內戎狄魚鼈教語  
與謫仙古風俯視洛陽川茫茫走胡兵流血沾草野  
豺狼盡冠纓之語相類常州有送李白之曹南序可

是同時厚善其文在蕭穎士李華之間

常州觀海篇云北登渤澥鳧迴首秦東門誰尸造化  
工鑿此天地源頌洞吞百谷周流無四垠廓然混茫  
際望見天地根白日自中出扶桑如可捫超遙蓬萊  
峰想像金臺存秦帝昔經此登臨冀飛翻揚旌百神  
會望日群山奔徐福竟何成羨門徒空言惟見石橋  
足千年潮水痕雖高雅未及陳拾遺然氣拍雄渾與  
岑參高適相上下

李華字遐叔山陽古城銘略云有漢之衰野鬪群龍  
厭德人神助凶奸桀之雄為王為公名國大都

千兵衝鳳凰嬰又麒麟掛鋒刀勝者昌九州承  
風虞賓不保其躬宿昔卿士如鴛如鴻汎汎將  
校如羆如熊于漢則二于曹則忠山陽古城草沒苔  
封白日將昏狐狸橫縱峩峩首陽有洛之東孤竹二  
子德音無窮武王翦商不食而終矧臣篡君俛首求  
容義理長語亦壯浪不在弔戰場之下

漢唐皆有官官之禍而唐之禍尤凶烈 明皇殺張后  
憲宗劫僖昭譖汾陽西平族甘露宰相六族餓死  
十六宅諸王終于亡唐而後已前輩謂漢宦者與政  
而唐使之典兵之故八司馬附麗任文固無足議但

謀奪宦者兵柄使范希朝韓秦總統諸城鎮行營兵  
馬邊上諸將各以伏辭中尉中人大怒曰從其謀吾  
屬必死其手嗟乎此豈任文之智所及哉八司馬多  
雋才必有為畫策者事雖不成與晁錯竇武陳蕃何  
異而退之永貞行云北君百萬虎與羆天子自將非  
他一朝奪印付私黨凜凜朝士何能為嗚呼天子  
安能自將不過付之中尉及觀軍容使爾以成敗論  
人世俗不是責退之豪傑亦以天子自將北軍為是  
而奪印為非助

余有畫山水四橫卷上各有五言一首其一曰高峰

挂層霄。遶水沒平野。當年居山客。半是愛山者。橋歎  
欲沉崖。路嶮不容馬。慎勿夸世人。政要知者寡。其二  
曰青山為誰高。影壓三百里。竹深已迷橋。荷密半藏  
水。區區名利人。坐暝真可鄙。慨想雲屋中。恐是古君  
子。其三曰急雨冷稍溪。寒烟曉橫塞。茅堂來軒車中  
有隱者。在市朝一何有。雲水兩無礙。笑向塵世人。不  
知是何代。其四曰通江石泉滑。崩崖朝雪重。牧兒心  
苦飢牛寒。挽不動。誰人倚長松。曾有九雲夢。西風吹  
屋倒。一笑無與共。後題畫李叔班作。不知為何人詩。  
則持約所書持約。豈非顏氏耶。

王黃州集第一篇酬種隱君百韻自叙出處甚謙云  
長恐先生聞倚松成大噓其敘種隱節甚高累數十  
韻退之于李渤不能過一種明逸耳未出山以黃州  
之剛勁而尊敬之如此既出山如王嗣宗之麤鄙乃  
得以陵暴之士其可不自重哉

本朝大臣多憐才好事如趙中令于王黃州王文正  
于楊文公晏元獻于宋景文皆為翹材上客雖丁岷  
州追仇萊公之黨亦不忍害大年呂文靖謫歐尹隨  
即修用至章蔡用事坡公始過海矣中令讓官表多  
黃州之筆可見親密其挽中令云高山副使偏垂淚

未報當時國士知與幕府少年今白髮之句異矣  
詩以體物驗工巧駱賓王詠挑燈杖云稟質非貪熱  
焦心豈憚熬終知不自潤何用處脂膏語簡而味長  
每欲做此作數題未暇也

杜子美笑王揚盧駱文體輕薄然盧病梨賦未易貶  
駁駱檄武氏多警策邊夜有懷云城荒猶築怨碣毀  
尚銘功挽詩云青烏新兆去白馬故人來亦佳句也  
盧仝劉義以怪名家同集中有舍儀上人一首云長  
寺石壁院盧公一首詩渴讀即不渴飢讀即不飢  
鯨飲海水盡露出珊瑚枝海神知貴不知價留與人

間光照夜義集有范宗韓喜劉先生詩云玉尺沉埋  
久得之銘篆深楷 露正色扣繫吐衰音二首殆

全義對壘

三國志帝魏而卑吳蜀說者謂陳壽蜀人仕屢見黜  
父為諸葛所髡于劉氏君臣不能無憾而然翁浦仲  
山作蜀漢書以矯之游丞相亟稱其書仲山亦求序  
于余余觀其書大意 是但書後王為安樂公欲以  
著其不能負荷之罪復翁書云後主不能負荷史官  
貶抑之可也豈可因曹氏貶削之會仲山仙去其論  
未竟後得廬陵貢士蕭常所作續後漢書大綱與仲

山同但蕭氏直名其書曰續後漢仲山猶加蜀字耳  
蕭書後主為少帝按後主嗣位二十五年而後播遷  
歿時已六十五似非少帝周丞相為蕭序此書謂歐  
公議正統不黜魏其容章望之著明統論以辨之張  
南軒經世紀年直以先主繼獻帝而附魏吳于下方  
又引習鑿齒漢晉春秋以蜀為正魏為篡攷訂詳備  
惜仲山游公皆未之見余亦近方見之

劉斯立病中詩云欲成蹇士賦應作半人詩半人當  
是用習鑿齒事

放翁少時二親教督甚嚴初婚某氏伉儷相得二親

恐其惰于學也。教謹婦放翁不敢逆尊者意，與婦訣。某氏改事某官，與陸氏有中外。一日通家于沈園，坐間目成而已。翁得年最高，晚有二絕云：腸斷城頭畫角哀，沈園非復舊池臺。傷心橋下春波綠，曾見鷺鴻。照影來夢斷，香銷四十年。沈園柳老不吹綿，此身行作稽山土，猶弔遺蹤一泫然。舊讀此詩不解其意，後見曾溫伯言其詳。溫伯名黯，茶山孫，受學于放翁。韋蘇州詩云：身多疾病思田里，邑有流亡愧俸錢。太守能為此言者鮮矣。若放翁云：身為野老已無貴路，有流民終動心。退士能為此言者尤鮮。

蕭千巘采蓮曲云清曉去采蓮

露鮮溪

須

急漿不是趁前船相隨不覺遠直到

煙中恐

歸

得晚今日打頭風絕似玉臺體

三良事見于詩左傳皆云秦穆殺之以殉坡詩獨云  
乃知三子殉公意亦如齊之二客從田橫今人不復  
見此等乃以所以疑古人此說甚新後讀曹子建三  
良詩云秦穆先下世三臣皆自殘生時共榮樂既歿  
同憂患難言捐軀易殺身誠獨難乃知子建已有此

論

較千駕不如養一驢

黃初中疑忘諸王黜削封爵名曰就國 實同曰拘  
斷還往求通親親表云臣遠慕鹿鳴君臣之宴中詩  
棠棣匪他之誠下思伐木友生之義終懷蓼莪罔極  
之哀每四節之會塊然獨處左右惟僕隸所對惟妻  
子高談無所興發陳義無所與展未嘗不聞樂而拊  
心臨觴而嘆息也甚哀切

求自試表云若陛下出不世之詔効身錐刀之用使  
得西屬大將軍當一校之隊東屬大司馬統扁舟之  
任必乘危蹈險騁舟奮驪突刃觸鋒為士卒先雖未  
能禽權馘亮庶効須臾之捷以滅終身之愧雖身分

蜀境首懸吳闕猶生之年也甚悲壯

與楊德祖書略云詞賦小道子雲先朝執戟之臣爾  
猶稱壯夫不為吾雖薄德位為藩侯庶幾見永世之  
業流金石之功豈徒以翰墨為勲績詞賦為君子哉  
若吾志不果吾道不行將采庶官之寔錄辨時俗之  
得失定仁義之理成一家之言雖未能藏之名山將  
以傳之同好味其文勢駿壯退之答崔元之書本此  
曹仲雍哀詞略云昔后稷在寒冰鬪穀在楚澤衣鳥  
憑虎而無灾今文茵無寒冰之慘羅幃綺帳暖于翔  
鳥之翼幽房閑宇密于雲夢之野慈母良保仁乎鳥

虎之情文字麗密有如此者

自三良以下皆見曹子建集

天台林憲字景思自號雪巢尤遂初序其集略云富與貴人之所得而才者天之所甚靳景思取天所甚靳者多則不能兼人之所得固宜然則才者寔致窮之具人何用有此而天亦何用靳此此未易以理曉也誠齋演遂初之說為雪巢之詞云且吾與詩人同爭夫天之所靳是天之橫民也同犯夫天之所惡是又天之橫民也治橫民者宜以橫政既與詩人同為橫民矣欲不與詩人同受橫政可乎余曰子既無遺力以取所靳無懼心以犯所惡無怨言以安所致

然則延之為君惜過也余舉延之語以唁君亦過也  
然君必欲專享詩人才之所致者而不顯不悔以不  
辭造物之橫政亦過也二公可謂善謔矣

霄巢讀陶詩云吾觀淵明詩了不在言賦有如春和  
氣周行不停駐時與春為風融夷物華而未嘗見用  
力萬物榮處處時與秋為月浩然無點注江山滋清  
絕宇宙靡纖污乃知淵明詩本不在時故邂逅吐所  
有氣象隨所寓乞食不為拙華斬不為慕歸來不為  
高折腰不為沮義皇平步超無懷貞雅素簡淡豈能  
盡學者謾馳步獨有無絃琴明明一斑露雖甚清絕

然太輕快集中長篇皆類此要須更穩括以韋柳乃善  
燕城賦云版築雉堞之殷井幹烽櫓之勤萃若斷岸  
疊似長雲觀某扁之固護將萬祀而一君出入三代  
五百餘載竟瓜割而豆分歌堂舞閣之基弋林釣渚  
之館吳蔡齊秦之聲魚龍爵馬之玩皆薰歇爐滅光  
況響絕

園葵賦云仕非魯相有不拔之利賓惟二仲無逸馬  
之憂若乃鄰老淡稼女嫗歸桑拂此葦席吹彼襟梁  
甃壺援醢曲瓢卷漿乃羹乃淪鼎盈筐甘旨蒨脆  
滑柔芬芳消淋逐水潤胃調腸鮑明遠賦有思致然

太拘狹開拓不去略存二賦此子詩工于賦押韻用  
事往往切顯岑叅賈至輩句律多出于鮑然去康樂  
地位尚遠發大雷岸與妹書六百餘事無一字及家  
事皆述道塗辛苦古今陳迹山變水怪羈愁旅思辭  
極典雅為集中佳作

燕公之文如榎木枝幹締

御名

大廈上棟下宇孕育氣

象可以變陰陽而閱寒暑坐天子而朝群后許公之  
文如應鐘鼗鼓笙簧鐃磬崇牙樹羽考以宮縣可以  
奉神明享宗廟李北海之文如赤羽元甲延亘平野  
如雲如風有緇有虎闐然鼓之吁可畏也賈長侍之

文如高冠華簪曳裾鳴玉立于廊廟非法不言可以  
望為羽儀資以道義李員外之文則如金輿玉輦雕  
龍綵鳳外雖丹青可掬內亦體骨不饑獨孤常州之  
文如危峰絕壁穿倚電漢長松怪石傾倒谿壑然而  
略無和暢雅德者避之楊岷州之文如長橋新御名鐵  
騎夜度雄震威厲動心駭耳然而鼓作多容君子所  
慎權文公之文如朱門大第而氣勢宏敞廊廡廩廐  
戶牖悉周然而不能有新規勝概令人竦觀韓吏部  
之文如長江秋注千里一道衝飈激浪汗流不滯然  
而施于灌溉或爽于用李襄陽之文如燕山夜鴻華

亭曉鶴嘹唳亦足驚聽然而才力偕解瞥然高遠故  
友沈諮議之文則隼繫鷹揚滅沒空碧崇蘭繁榮曜  
芳揚蕤雖迅舉秀擢而能沛艾絕景其他握珠璣奮  
組繡者不可一二而紀矣以上皇甫湜評唐十一家  
之文可與法帖所載梁武帝評三十四家書對觀

出世篇云生當為大丈夫斷羈羅出泥塗四散號呶  
傲擾無隅埋之深淵飄然上浮騎龍披青雲泛覽遊  
八區經大山絕巨海一長吁麾西月鏡東弄日珠上  
始天之門直指帝所居群仙來迎塞天衢鳳凰鸞鳥  
乘金輿音聲嘈嘈滿太虛旨飲珍食兮照庖厨食之

不飫飲不盡使人不陋復不愚旦旦狎玉皇夜夜御  
天姝當御者幾人百千為翻宛宛舒舒忽不自知支  
消體化膏露明湛湛無色茵席濡俄而散漫斐然虛  
無翕然復搏搏久而蘇精神如大陽霍然照清都四  
肢為琅玕五臟為璠璵顏如芙蓉頂如醍醐與天地  
相終始浩漫為娛下顧人間溷糞蠅蛆湜以軻雄自  
擬然此篇放曠超軼軻雄不道也文字亦未及大人  
賦隋唐人言語耳

闔廬之死金玉其墓黔婁之死首足不覆

皇甫

吳融詩阿對泉頭一布衣自註云阿對是楊伯起家

僮常引泉灌蔬

韓致光吳子華皆唐末詞臣位望通顯雖國感主辱而賦詠倡和不輟存于集者不過流連光景之語如感時傷事之作絕未之見當時公卿大臣往往皆如此蝸賦云夜風索索緣隙憑壁弗聲弗鳴潛此毒螫厥虎不翹厥牛不齒爾今何功既角而尾

虎賦云西白而今其獸唯虎何彼列辰自虎而鼠善人瘠饒人肥汝不食饒畏汝之饑

惡馬賦云彼騎而嚙孰為其主彼芻而蹄孰為其圉五里之堠十里之亭癯燥飢渴不擇重輕亭有曉吏

曝之為腊又毒其吏立死于櫪

見以上三賦  
玉谿集

王谿與陶進士書夫所謂博學宏詞者豈容易哉天地之災變盡解矣人事之興廢盡究矣皇王之道盡識矣聖賢之文盡知矣及下蟲豸草木鬼神精魅一物以上莫不開會此其可以當博學宏詞者耶恐猶未也設他日或朝廷或持權衡大臣問一事詰一物小如毛甲而時脫有不能盡知者則是博學宏詞者當其罪矣私自恐懼窘苦曰械後幸有中書長者曰此人不堪抹去之大快樂曰此日後不能知得東西左右亦不畏矣又云常自祝願得時人曰此物不識

字此物不知書是我生獲忠肅之謚也其論激矣  
前人記蔡京權重喜閩漕鄭可簡餽茶就封皮批進  
修撰除運副遠相晚亦權重病起見二雞吐綬愛玩  
久之問誰所致左右以宋少梁成大對亦就劄子批  
際刑部侍郎人以為戲筆也已而命下西山先生云  
其權重于蔡氏耳

遠相當國久從官多由選而得端平初鶴山召對云  
侍從之臣有獻納而無論思亦雅謔也

鄭谷送人下第云吾子雖云命鄉人懶讀書七言云  
愁破方知酒有權皆有新意

薛能云詩深不敢論鄭谷云暮年詩力在新句更幽  
微詩至于深微極玄絕妙矣然二子皆不能踐此書  
唐人惟韋柳本朝惟崔德符陳簡齋就之

溫飛卿蘇武廟云迴日樓臺非甲帳去時冠劍是丁  
年甲帳是武帝事丁年用李陵書丁年奉使皓首而  
歸之語頗有思致

南豐序南齊書云為二典者所記豈獨唐虞之迹耶  
併與其精微之意而傳之方是之時豈特任政者皆  
天下之士哉蓋執簡操筆而隨者亦皆聖人之徒也  
曲阜行穎濱中書舍人制云在昔典謨訓誥誓命之

文學者宗之以為大訓蓋當是時豈獨紀綱法度後世有不能及哉至于言語侍從之臣皆聖人之徒亦非後世之士所能髣髴也詞意全本南豐其家庭素所講習也

橫渠絕句云渭南涇北已三遷水旱縱橫數畝田四十二年居陝右老年生計似初年又云兩山南北雨冥冥四牖東西萬木青面似枯骸頭似雪後生誰與屬遺經其清苦如此所以為一代儒宗

曹操欲使十吏就蔡琰寫邕遺書琰曰男女不親授乞給紙筆真草惟命妻胡之恥豈不大于親授所謂

不能三年之喪而總小功之祭歟

義山孔明廟云玉壘經綸遠金刀歷數終誠齋徐孺子墓云舊國已禾女荒阡猶石翁比山谷月馬寒如灰禮樂邠金刀之句尤精確

義山善用事哭劉蕡云空聞遷賈誼不待相孫弘自應制科至謫此止以十字道盡

溫飛卿過韋籌草堂七言云醉後獨知殷甲子病來猶作晉春秋林和靖五言云隱非秦甲子病著晉春秋和靖非蹈襲者當是偶然相似

魯共王壞孔子宅以廣其居升堂聞金石絲竹之音

乃不壞宅此謂魯生及孔氏之後有絃誦於其聞者  
爾而疏云懼其神異乃止不壞誤矣高祖誅項籍引  
兵圍魯魯諸儒猶講誦習禮絃歌之音不絕此豈亦  
有神異耶解經如此豈不語怪神之義哉

半山擬寒山云我曾為牛馬見堂豆歡喜又曾為安  
人歡喜見男子我若真是我祇合長如此若好惡不  
定應知為物使堂堂大丈夫莫認物為己後有慈受  
和尚者擬作云姦漢瞞淳漢淳漢總不知姦漢做驢  
子却被淳漢騎半山大手筆擬二十篇殆過之慈受  
一僧爾所擬四十八篇亦逼真可喜也寒山詩麤言

細語皆精詣透徹所謂一死生齊彭殤者亦有絕工  
綴者如域中嬋娟女玉佩響珊珊鸚鵡花間弄琵琶  
月下彈長歌三日繞短舞萬人看未必長如此芙蓉  
不耐寒殆不減齊梁人語此篇亦見山谷集豈谷喜  
而筆之後人誤以入集歟

元康八年機始以臺郎出補著作遊乎秘閣而見魏  
武帝遺令愴然嘆息傷懷者久之客曰夫始終者萬  
物之大歸死生者性命之區域是以臨喪殯而後悲  
覩陳根而絕哭今傷心百年之際興衰無情之地意  
者毋乃知哀之可有而未識情之可無乎夫日食由

乎交分山崩起于朽壤亦云數而已矣然百姓怪焉者豈不以資高明之質而不免卑濁之累居常安之勢而終嬰傾離之患故乎夫以回天倒日之力而不能振形骸之內濟世夷難之智而受困魏闕之下已而格乎上下者藏于區區之木光于四表者翳乎叢爾之土雄心摧于弱情壯圖終于衰志長算屈于短日遠跡頓于促路嗚呼豈特曩史之異闕景黔黎之怪顏岍乎觀其所以顧命家嗣貽謀四子經國之略既遠隆家之訓亦宏又云吾在軍中持法是也至于小忿怒大過失不當効也善乎達人之謹言矣持姬

女而指季約以示四子曰以累汝因泣不傷哉曩以天下自任今以愛子託人同乎盡者無餘而得乎亡者無存然而婉孌房闈之內綢繆家人之務則幾乎密與又曰吾媿好立人著銅雀臺于臺堂上施六尺沐張總帳朝晡設脯糈之屬月朝十五日輒向帳作妓汝等時時登銅雀臺望吾西陵墓田又云餘香可分與諸夫人諸舍中無所為學作履組賣也吾歷官所得緩皆著藏中吾餘衣裘可別為一藏不能者兄弟可共分之既而竟分焉亡者可以勿求存者可以勿違求與違不其兩傷乎悲乎愛有大而必失惡有

甚而必得智惠不能去其惡威惠不能全其愛故前  
識所不用心而聖人罕言焉若乃繫情累于外物留  
曲念于閨房亦賢俊之所宜廢乎于是遂情憊而獻  
弔云爾士衡此作詞簡而事甚備語絕而意愈新當  
為魏晉間文章第一序勝于文

弔文  
魏文

後村先生大全集卷一百七十八

後村先生大全集卷之一百七十九

詩話續集

放翁詩云藥來賊境靈何益米出胡奴死不炊上句  
用柳公綽事公綽節度山南東道有道士獻丹藥問  
所從來曰自薊門時朱克融方叛公綽曰藥自賊境  
來雖驗何益棄藥而逐道士殆天為下句設此竒對

甲子七月讀唐書  
記時年七十八

揚雄集六卷四十三篇劇秦美新之作在焉法言末  
云自周公以來未有漢公之懿又曰其勤勞則過于  
阿衡此時莽猶未篡此語不過如今人稱頌權貴人

功德爾及莽既篡雄縱不能如許由洗耳魯連蹈海  
然與龔勝同時莽使使者以印綬強起勝勝稱病篤  
卧以手推去印綬勝兩子及門人進說云云勝曰吾  
受漢家厚恩今年老旦暮入地豈以一身事二姓下  
見故君乎不食而死雄亦任漢者莽篡不能去視勝  
可愧死矣美新之篇方且盛稱皇帝陛下配五帝冠  
三王開闢以來未聞宜命賢哲作帝典一篇襲舊二  
為三以示罔極又自言有顛眴病恐先犬馬填溝壑  
長恨黃泉故作此篇以獻余為寧顛眴病死此文豈  
可作哉朱氏書莽大夫楊雄卒書其罪矣而昌黎公

荆公涑水公皆推重或以配孟子何也

元后誅略云天之所廢人不敢支又云皇天眷命黃  
虞之孫歷世運移屬在新聖人云漢廟黜廢移安定  
公凡累百韻案元后之莽之姑然擲傳國璽缺其角  
聞翟義起兵以為是見漢宗廟毀壞有怨言人心之  
公不可磨滅如此雄士人也願以賊莽為新聖以漢  
廟黜廢為天之所壞乎

劉子政集二卷有九歎用騷體末有杖銘云歷危乘  
險匪杖不行年耆力竭匪杖不強有杖不任顛跌誰  
怨有士不用害何足言藟蕨雖甘殆不可杖佞人悅

已亦不可相杖必取任不必用味士必任賢何必取  
貴語簡而有味

文君眉色如望遠山臉際常若芙蓉十八而寡悅長  
卿之才而越禮焉長卿死文君為誄傳于世

楊雄夢吐鳳凰而作太玄經重舒夢蛟龍入懷而作  
春秋繁露

公孫弘食故人高賀以脫粟飯覆以布衾賀告人曰  
弘內服貂蟬外衣麻屨內厨五鼎外膳一肴于是朝  
廷疑其矯為弘歎曰寧逢惡賓勿逢故人

吳章為王莽所殺弟子皆更易姓名以從他師惟司

徒椽平陵曹敞獨稱吳章弟子收葬其尸

日暎得酒食燈火花得錢才乾鵲噪而行人至蜘蛛  
集而百事喜故日暎則咒之燈花則拜之乾鵲噪則  
餒之蜘蛛集則放之

枚舉文章敏捷長卿制作淹遲而長卿首尾溫麗枚  
舉時有累句楊子雲曰軍旅之際戎馬之間飛書走  
檄用枚舉廊廟之下朝廷之中高文大興用相如

安定嵩真元菟曹元理並明筭術成帝時人真自筭  
其壽七十三綏和元年正月二十五日晡死時書壁  
記之至二十四日晡時死其妻曰見真筭時長下一

算慮晚有旨不敢告今果校一日真又曰北村青隴  
上孤墳西四丈所鑿之入五尺吾欲葬此地及死往  
掘得古時空槨遂以葬焉元理常從其友人陳廣漢  
廣漢曰吾有二囤米忘其石數子為計之元理以食  
箸十餘轉曰東囤七百四十九石八升七合又十餘  
轉曰西囤六百九十七石八斗遂大書囤門後出米  
西囤六百九十七石七斗九升有一鼠大堪一升東  
囤不差圭合元理後復遇廣漢告以米數元理以手  
擊牀曰還不知鼠之殊米不如剝面皮矣廣漢為取  
酒鹿脯數片言理復筭曰諸蔗二十五區收一千五

百三十六枚蹲鴟三十七畝收六百七十三石 牛  
產上百犢萬雞將五萬雛羊豕鵝鴨皆道其數果蔬  
有藪悉知其所曰資業之廣何供饋之褊廣漢慙曰  
有倉卒客無倉卒至人元理曰俎上蒸豚一頭厨中  
荔枝一椀皆可為設廣漢再拜謝罪自入取之盡日  
為歡

公孫弘為國士所推上為賢良國人鄒長倩以其貧  
解衣裳衣之釋所著冠屨與之又贈以生芻一束素  
絲一襪撲滿一枚書遺之曰撲滿者以土為器以畜  
錢貝有入竅而無出竅滿則撲之士有聚斂而不能

散者將有撲滿之敗可不誠歟弘為高賀鄒長倩兩  
故人所輕如此豈非曲學阿世以納侮歟

梁孝王遊于忘憂之館集諸遊士使各為賦枚乘為  
柳賦路喬如為鶴賦公孫詭為文鹿賦公孫乘為月  
賦羊勝為屏風賦韓安國作几賦不成鄒陽代作鄒  
陽安國罰酒三升賜枚乘路喬如絹人五匹

自揚雄夢吐鳳以下皆見西京雜記葛洪所集也未  
云洪家有劉子駿漢書一百卷無首尾題目但以甲  
乙丙丁紀其卷數歎欲撰漢書緣錄漢事未詮次而  
亡故書無定本雜記而已後好事者以意次第之始

甲終癸為十秩秩十卷合為百卷試以此記較班固所作是全取劉書有小異同耳固所不取不過二萬許言今抄出為二卷名曰西京雜記以裨漢書之闕爾後洪家遭火書籍都盡此兩卷在洪中箱中故得猶在劉歆所記世人希有縱復有者多不足備恐年代稍久歆所撰遂沒并洪家此書二卷不知所出故序之云爾

尹少稷詩若浚泊而有義味其庸醫行云南街醫工門如市爭傳和扁生後世膏肓可為死可起瓦屑蓬根盡珍劑歲月轉久術轉疎十醫九死一活無北市

醫工色潛動大字書牌要驚衆偏收棄藥與遺方縱  
有神丹亦無用定者為虛熱為寒幾因顛倒能全安  
君子見形神朽然卧一室醫方爭工藥無必左手檢  
方右顧金兩手雖殊皆劍戟似諷當時主和戰者聞  
逆亮入寇律詩云本來饑飽非同鼎安得浮沉自一  
舟又云異日是非憂史謬終身寒餓羨錢愚詞不迫  
切而意獨至矣少稷及接呂居仁曾告甫議論在山  
中讀書二十年名論極重晚為大坡因符離之敗張  
魏公父子以附和議遂為公議所貶甚可惜也頃故  
人陶木仁父宰上饒余託仁父傳其集四冊詩其一

漢益州刺史朱公叔卒門人陳季圭議所謚宜曰忠  
文子陳留蔡邕議曰按古之以子配謚者魯之季文  
孟懿子衛之孫文公叔文皆諸侯之臣也至于王室  
之卿大夫其尊與諸侯同故以公配春秋曰劉卷卒  
葬劉文公羊傳曰劉卷者何天子大夫也經文曰王  
子虎卒左傳曰王叔文公卒葬如同盟禮也此皆天  
子大夫得稱公其禮與同盟諸侯敵之文明也又禮  
緣情臣子咸欲尊其君父故雖侯伯子男之臣自稱  
其君咸得曰公及其卒也異國之人稱之亦然是以  
邾子許男稱公以葬春秋之正義也以例言之則

府君王室亞卿也有王叔劉氏之比以臣子之辭言之則有邾許稱公之文雖無土而其位是也今日公猶可若稱子則降等多矣懼禮廢日久將詭時聽周有仲山甫伯陽嘉父吉父賢老之稱也宋有正考父魯有尼父配謚之稱也春秋曰孔父禮曰伯某父異亡之稱也父雖非爵號與公同禮天子諸侯咸用優賢異亡順乎門人臣子所稱之宜可于公父之中擇一處焉斯不稱子而已邕此議佳甚韓柳歐曾不能

加

邕集十卷大半為人作碑板如橋元楊秉楊賜皆名

臣如朱公叔陳仲弓郭林宗范史雲姜肱皆名士至  
于劉表胡廣之碑豈得無愧詞乎又有袁滿來胡根  
二銘滿來太尉之孫司徒之子年十五死根根陳留  
太守之子七歲死二銘甚美幾于諛墓矣

周勰字巨勝汝南人再舉孝廉皆委之去梁冀專國  
前後三辟不至後太尉司徒各在辟司空三辟察賢  
良方正州舉茂才又公車特徵託疾杜門里巷無人  
跡外廷生蓬蒿至延嘉二年梁氏誅滅而勰卒因與  
字叔則探總歷數剖織入冥州郡禮命舉至孝莫之  
能起李休字材南陽宛人總七經精群緯翫辭察

前識古今疑義錯謬前人所希論後學所不  
割判剝散幽闇昭爛郡署五官掾司空湖廣

請不至

以上三人史逸  
其事見邕集

年七月十日詔書尺一召光祿大夫楊賜諫

馬日磾議郎張華蔡邕太史令單颺詣金商

德殿門惟中設都座中常侍育陽侯曹節

從東省出就都座劉罷龐訓北面楊公

華邕 西南面受詔書各一通尺一木板

以朝廷焦心聞災恐懼每訪群公

補闕故時密問勿依違

皆再拜受詔起就坐五人各一處給筆札  
邕雖化皆婦人干政所致乳母趙嬈皆富倖于  
邱墓踰于園陵兩子受封兄弟典郡永樂門史  
依阻城社大為奸禍晚昧已成非外臣所能審

處近者不治無以正遠又言廷尉郭禧國之老成光  
祿大夫橋玄方直前太尉劉寵忠實亘為謀主數見  
訪問邕立朝持論可謂有所補益然詔問之時兩常  
侍在都座之側乃不敢指言漢寺人亦太橫矣

為曹公祠橋公云使持節丞相冀州牧魏王操謹遣  
掾再拜敬祠故太尉橋公公以懿德汎愛傳容國念

明訓士思令橫靈幽體翳邈哉晞夷幼以頑鄙之質  
為大君子所顧猶仲尼之稱顏淵李生之歎賈復士  
死知己懷此無忘又承從容要誓言殂逝之後路有  
由徑不以斗酒隻雞過相沃酬車過三步腹痛勿怪  
雖戲笑之言非至親篤好夫何肯如此辭懷舊雅顧  
潛然悽愴奉命東征屯此鄉里北望貴土乃心陵墓  
則致薄祠公其尚饗

董卓上書辭疾乞就國土群臣表卓上解國家播遷  
之厄下救兆民塗炭之禍黜廢頑凶援立聖哲謹案  
漢書蕭何以相國金印綬位在公卿之上卓功績

參倅伊霍宜以卓為相國位在太傅上帶履上入朝不趨此表邕筆也然其罪薄于子雲

子賀周益公致仕啓云清朝無事元老辭榮謂七十致仕當守禮經之常故再三上疏不為文其之舉天子重違其意孤傳以華其歸喜見顏間甚于掇一第之日身居物外忘其為三公之尊邂逅遂得初心毫髮略無遺恨恭惟某官棲遲盛福俯仰太平開館招賢留作國家之用銜杯樂聖退全明哲之身甫於懸輿已聞冠掛于神武雖是翁矍鑠皆意復使此老婆婆是負其生平二者豈可得兼萬

有足是闕學力難與婦謀昔蜀公年未至而  
乞身路公耄已及而謀國從其所好非道之常又豈  
徒行止合聖人之時出處全君子之致方尋同社共  
玩象戲于橘中焉知老至作龜巢于蓮上但  
某夙仰高風驚聞盛舉觀始終之一節知壽  
百年昔嗟林下之無人今喜山中之有相涼臺  
燠館綠知綠野之清閑角扇長壺願備洪崖之洒掃  
子此作甚佳然為詩名所掩

竹隱集十一卷多其舊作暮年詩無棗本此  
石湖放翁誠齋一輩人又材氣飄逸記問精

博警句

天造地設略不戰人喉舌

品在

諸人之上集中及晚作尤佳者昔已有

絕句詩選今摘其警句于後曉梵魚出聽夜禪石點

頭

體干進夫

胷中著雲夢皮裏有陽秋 自作先生傳

誰為故吏碑觀

錢文

鬲上春坊酒眉尖野店恭

肩

成山聳因尋句眼作花昏為勘碑

陳宣子求碑

天寒不

知翠袖薄日暖但覺玉烟生

水仙花

黃四娘花空朶

朶謝二郎鬢已蒼蒼

燕坐

索醉寧傾問字酒忍飢不

取作碑錢一駒入隙來元不礙蠅鑽紙出定何妨

紙閣

化成銀地佛應喜移下玉樓天不知雪

北風萬籟

自宮徵南日一軒真袴襦南但欲有衣存妓妾不

愁無帳列生徒明劉顛貴為天子友退之窮作相

君書王士穎以布衣自命我本田家子驅來作長官政雖無

小異民却自相安靜或焚香坐閑因展畫看庸人擾

之耳只道太和難巢餘太古雪人有正始風頭如

雪絮白面作春桃紅顛雪一鞭加爾膚萬及劃吾

腹就令猛于虎何忍食子月世無冷鑊湯邑盡活地

獄米綱太和老覺此身無一堪尚牽詩課撚囊髻亦

知庭院西風惡直為秋香不下簾秋一瓶儲粟一

囊錢兒學箕裘女紡磚更買卜立邱吾事勘書評畫

了殘年 可憐玉雪不供愁似倩詩翁作

此君雖強項歲寒相對却風流瓶梅竹中勿以鼇巨笑

蝼蟻冠山戴粒等逍遙湖石不識廬山孤負目不

食螃蠏孤負腹亦知二者古難并行到九江吾事足

巾墊雨佩飛霞解嘲攻墨通明殿不夜

城雪三雅六經趙德莊送酒注劉表有酒爵三大

人為酒器有酒經晉安人餉人以酒書云酒一經或

二經至五經他境人不達聞錢五經束帶迎門方知酒是

大官連檣十萬艘小官僅得一葉如漁舫其中

何所有白髮翁媪并兒曹赤脚婢三後執爨蒼頭奴

二前操篙元真筆牀間茶竈吏部酒杯兼蠓螯書緘

一箱半魚蠹壹束百軸成牛腰平鋪藁秸薦貓犬曠  
買棗栗供猿猱新花鬱屈作姜木清酒蕩搖成濁醪  
蓬低日覺巾角折竈近時聞羹釜轅高驤正難望鷓  
首緩進豈敢爭龍標全家窘拘嘆躋跼長物屏當隨  
週遭桑樞駟馬各是累人肝薇蕨俱成饕不須彼此  
更相笑未必鬱林之石賢胡椒舟行

斷貪鞍解見縛壞想宅絕迷道摧慢幢技惑箭撒睡  
盖裂愛網 弥勒稱讚善財告諸仁者此長者子為  
被四流漂泊者造大法船為被見泥没溺者立大法  
橋為被癡暗昏迷者然大智燈為行生死曠野者聞

聖道為嬰煩惱重病者調和法藥為遭生老死苦者飲以甘露令其安穩為人貪患癡火者沃以定水使得清涼云何為菩薩究竟施佛子此菩薩假使有無量衆生或有無眼或有無耳或無鼻舌手足來至其所告菩薩言我身薄祐諸根殘闕惟願仁慈以善方便舍已所有令我具足菩薩聞之即便施與假使由此經阿僧祇劫諸根不具亦不必生一念悔惜但自觀身從初入胎不淨微形胞段諸根生老病死又觀此身無有真實無有慚愧非賢聖物臭穢不潔骨節相持血月所塗九死常流人所惡賊作是觀已

不生一念愛著之心復作是念此身危脆無有堅固  
我今云何而生戀著應以施彼充滿其願如我所作  
以此聞導一切衆生令于身心不生貪愛悉得成就  
一切智身是名究竟詩施譬如乘船欲入大海未至  
于海多用功力若至海已但隨風去不假人力以至  
大海一日所行比于未至其未至時設經百歲亦不  
能及 至微細罪生大怖畏 以忿恨風吹心識大  
熾然不息凡所作業皆顛倒相 解脫長者告善財  
善男子應以善法扶助自心應以法水潤澤自心應  
以境界淨治自心應以精進堅固自心應以忍辱坦

自心應以智證潔白自心應以智慧明利自心應以佛自在開發自心應以佛平等廣大自心應以佛

十力照察自心

以上見華嚴經

李格非字文叔濟南人詩文四十五卷文高雅條鬯有義味在晁秦之上詩稍不逮元祐末為博士紹聖始為禮部郎有挽蔡相確詩云邴吉勲勞猶未報衛公精爽僅能歸豈蔡嘗汲引之乎挽魯直五言八句首云魯直今已矣平生作小詩下六句亦無褒文叔與蘇門諸人尤厚其歿也文潛誌其墓獨于山谷在日以詩往還而此詞如此良不可曉其過臨淄絕句

云擊鼓吹笙七百年臨淄城闕尚依然如今只有耕  
耘者曾得當時九府錢試院五言云斗暄成小疾亦  
稍敗吾勤定是朱衣吏乘時欲舞文亦佳作文叔李  
易安父也文潛志云長女能詩嫁趙明誠

文叔祭其水文云惟先生自詩以來載籍所記歷代  
治亂九流百氏凡一過目確不忘墜其發為文章則  
泛而汪洋密而精緻脩然高爽歛然沉毅驟肆而隱  
忽紛而治絕馳者無遺影適淡者有餘味如金玉之  
就雕章湖海之失涯埃雲烟之變化春物之穠麗見  
之者不能定名學之者不能髣髴筆勢略與淇水相

精深可諷咏初至象郡五言云裨海環

國世人恃兩足遽欲窮畛域心知禹

分未盡舜所陟吾遷桂嶺外仰亦見斗極升高臨  
大路郵傳數南北山川來時經草樹略已識杖牀歸  
夢長鄉堠行歷歷又云去日有近遠寒暑乃不同手  
提而啄飲嗜慾南北通是邦亦洙泗人可牛與弓良  
知畫虛市妙質老耕農彼時張曲江此時余襄公二  
子稍穎脫一洗凡馬空斯文隔裔土後生昧華風風  
要常袞劍外須文翁又云秦扁不南遊醫方略嵐  
瘴黃秋雨淫與瘧蓋同狀吮師烏能神適市半扶

杖吾欲養黃婆母壯子亦王妙藥只眼前乞汝保無  
恙又云居近城南樓步月時散策小市早收燈空山  
晚吹笛兒呼翁可歸恐我意慘戚從來堅道念老去  
倦形役天其卒相予休以南荒謫宴坐及此時聊觀  
鼻端日絕句云步履江村霧雨寒竹間門卷繫黃團  
猶嫌骭黠驚魚鳥父老相呼擁道看八尺方牀織白  
籐含風綺裏睡骨騰若無萬里還家夢便是三湘退  
院僧南遷後四六比向來兩制尤高簡精妙  
曰狄人傑何如曰粗覽經史薄開文筆箴規切諫  
風晚有錢癖和嶠之徒

魏元忠文武雙闕名實兩空外示貞剛內懷趨附  
李嶠有三戾性好榮遷憎人升進性好肥鮮綺羅斷  
人食內衣錦性好行房憎人畜聲色

唐儉事太宗甚蒙寵過每食非儉至不餐數年後特  
憎之遣謂之曰更不須相見見即欲殺隋文帝重高  
頽初甚愛後不願見見之則怒

薛師有巧性常入宮闈補闕王求禮上表曰太宗時  
羅黑能彈琵琶遂闈為給使以教官人今陛下要懷  
義入內臣請闈之庶宮闈不亂表寢不出

少府監裴匪舒奏賣苑中官馬糞歲得錢二十萬貫

復木先生大全集  
劉仁軌曰恐後代稱唐家賣馬冀遂寢

宗楚客諂薛師釋迦重出觀音再生

尚書左丞張庶廉子利涉為懷州參軍刺史鄧暉曰  
名父出如此物

楊炯為文好以古人姓名聯用號為點鬼簿駱賓王  
文好以數對號為算博士盧生之文古今粲粲文質  
彬彬惜哉不幸有再耕之疾為幽憂子以釋憤焉

李詳初為劔南一尉言刺史書考不平又曰請考使  
即下筆曰怯斷大事好句小稽自隱不清疑人搃

考中下

張易之昌宗目不識字手不解書謝表及和御製皆  
諂附者為之所進三教珠英乃崔融張悅輩之作而  
易之竊名為首

逆韋詩什並上官昭容所製昭容上官儀孫女博涉  
經史研精文筆班婕妤左嬪無以加

賀蘭敏之為封東岳碑張昌齡所作也劉子書咸以  
為劉勰所撰乃渤海劉晝所製晝無位博學有才  
取其名人莫知也

進士章宏智詩君為河畔草逢春心剝生妾如臺上  
鏡得照始分明同房常定宗改始字為轉字遂爭此詩

皆云我作博士羅道琮判云昔五字定表以理切稱  
奇今一言競詩取詞多為主始歸宏智轉還定宗張  
苟兒愛偷文章時為之語曰活剝王昌齡生吞郭正二  
駱賓王帝京篇倏忽搏風生羽翼湏臾失浪委泥沙  
冉閔殺胡人高鼻者橫死董卓誅閹人無鬚者枉戮  
梁武帝使喚搥頭師帝方與人棋欲殺一段子應聲  
曰殺却使出斬之棋罷喚師入使曰陛下令殺却臣  
已殺訖帝嘆師臨死何言曰師云貧道前身為沙彌  
以鑿剗地誤斷一曲蟠今此報也帝流涕無及  
吏部尚書唐儉與太宗棋爭道上大怒出為潭州蓄

怒未洩謂尉遲敬德曰唐儉輕我我欲殺之卿為我  
證驗有怨言指斥敬德唯唯明日對伏云敬德頓  
首曰臣實不聞頻問確定不移上怒碎玉珽于地奮  
衣入良久索食引三品以上皆入宴上曰敬德今日  
利益者各有三唐儉免枉死朕免枉殺敬德免曲從  
三利也朕有怒過之美儉有再生之幸敬德有忠直  
之譽三益也賞敬德一千段群臣皆稱萬歲

魏元忠忤二張出為端州高要尉二張誅入為兵部  
尚書中書令左右僕射不能復直言古人有言妻子  
具則孝衰爵祿厚則忠衰

三狗俱用覺魏祚之陵夷五侯並封知漢圖之圯缺

周公孔子請伏殺人伯夷叔齊求承行劫牽羊付虎

未有出期縛鼠與貓終無脫口

酷吏

以上二十二則并見朝野僉載

左思白髮賦云星星白髮生于鬢垂雖非青蠅穢我

光儀策名觀國以此見疵將拔將鑷好爵是縻白髮

將拔怒然自訴稟命不幸值君年莫偏迫秋霜生而

皓素始覽明鏡惕然見惡朝生晝拔何罪之故予觀

橘袖一皜一暄貴其素華匪尚綠葉願哉之子攝子

之鑷咨爾白髮觀世之途靡不追榮貴華賤枯赫赫

閭闔藹藹紫廬弱冠求仕童髻獻謨甘羅乘軫子竒

剖符英英終賈高輪雲衢拔白就黑此自在吾白髮  
臨拔瞋目號呼何我之寃何子之娛甘羅自以辨惠  
見稱不以髮黑而名著賈生自以良材見異不以烏  
鬢而後舉聞之先民國用老成二老歸用周道肅清  
四皓佐漢漢德光明何必去我然後要榮咨爾白髮  
事故有以爾之所言非不有理曩貴耆老今薄舊齒  
皤皤期皓首田里雖有二毛河清難俟隨時之變見  
歎孔子髮乃辮盡誓以固窮晉臨玉顏今從飛蓬髮  
膚至昵不克 終聊用擬辮比之國風

後村先生大全集卷之一百七十九

後村先生大全集卷之一百八十

詩話續集

陶弼商翁與楊旼樂道同時一生仕宦廣西晚守欽  
順二州集中多佳句前已采其一二他五言如塞上  
云星落胡王死河窮漢使歸雪山經夏冷天馬入秋  
肥觀教戰云晉興由帥讓楚敗以師喧行役云陰微  
辨樵火霽早誤僧鐘雜詩云久閑忘將略多病熟醫  
書順州云渴蜂銜硯水饑蝶嗅屏花七言汴河云柳  
與揚州今獨在水和隋帝不重來柳州云人心如地  
少年處天氣似春無冷時送人云冷州十分無客送

輕車一兩有民攀又云兵堪渡海將軍老史不占天  
處士閑村行云路小馬蹄高復下村深難唱有如無  
李雁湖詩程滄洲守宜春刊于郡齋余不及識公初  
筮豫章公謫居臨川從曾極景建得余詩簡景建云  
劉君詩兼鮑庾之清俊前與先君同舍不知其郎君  
詩筆如此晚得宜春本摘其警語一二于此紅梅云  
晚覺鄭公殊嫵媚生憎夷甫太鮮明送楊子直知吉  
州云憂時鐵石孤忠在閱世風花老眼空酬景建云  
新有千絲明曉鏡舊無一畫贊宵衣閑吟此外惟須  
飲老覺人間萬事非又云向來交態雲翻手靜裏元

言石點頭雁湖注半山詩甚精確其絕句有絕似半山者已採入詩選矣如平生閱世朦朧眼偏向白鷗飛處明如鴉健觸翻紅菽菽鷗閑占斷碧粼粼皆可諷詠如金谷玉川奴鷓鴣賦蛺蝶圖雙蓬鬢寸草心鵬友雁奴 客蟹奴皆的對

于湖讀中興碑云繡紉兒啼思塞酥重 燎香驅群

胡阿環錦襪無尋處一夜驚眠搖帳柱朔方天子神為謀三郎歸來長慶樓樓前拜舞作奇崇中興之功不贖罪日光玉潔十文碑蛟龍盤拏與天齊北望神臯雙淚落祇今何人老文學題蔡濟忠所摹銜府米

帖云生前官職但執戟身後一字萬金直當時雷霆  
下收拾世間不復有遺逸整整十卷事猶濕光采激  
射海為立平生我亦有書癖對此愴怛心若失曰吐  
汗下屢太息十日把玩不得食作牋天公拜稽首乞  
我此老生時一隻手為君痛飲百斛酒墨池如江筆  
如帚一掃萬字不停肘

石徂徠讀石安仁

曼卿舊字安仁

學士詩云齊梁無駿骨李

杜得秋毫後世益纂組變風堪鬱陶奔道少驥逸禿  
如牛毛試看安仁詠秋風有怒濤徂徠力排揚劉  
而推重曼卿如此但前云駿骨後又云驥逸何也寄

張從道云臘盡妻未褐天寒子請書寄明復先生云  
殘書幾篋蠹寒菊半籬荒惟學春秋昔時時到草堂  
殊有魏野林逋氣格

徐淵子詩用紡磚字斯子詩載弄之瓦注云紡磚也  
說苑亦云和氏之璧千金之寶用以間紡不如瓦磚  
癸未甲申余自桂林入都改秩一日自外歸逆旅主  
人云有二客訪君不遇留刺而去視之蓋高續古鍾  
春伯二館職也皆素昧明日往謝高云吾于陸伯敬  
處見子集詩鍾云吾于南塘處見子四六相約訪君  
共論此事何相避之深也鍾惠四六一卷高遺疎寮

詩二冊未幾鍾貴顯高出館不復入今皆物故余老  
矣四六姑置惟詩結習未忘所得疎寮二冊前已摘  
出一二聯後得其全集數倍于舊老筆如湘絃泗磬  
多人間俚耳所未聞者有石湖放翁誠齋之風部帙  
既多不能遍閱姑錄其警語于編以備遺忘五言揚  
嗣勛惠荻苓云道是青神谷元通白帝厓有松如壯  
士其魄化嬰兒雲濕侵鷓鴣背天寒翦兔絲堯初香摘  
髓秦後雪凝脂穴動龍蛇窟山空鳥獸悲唯將千歲  
力白了一生竒送潘德廊帥廣云風穩琛舟引春歸  
卉服衙謁吳給事云上皇今百歲近侍不多人寄僧

云鹿采花修供爰分石坐禪別僧云夢無全覺久詩  
只半聯竒聽雪云竹大時聞拆梅明不受靈雜詩云  
今古憑詩了乾坤賴酒澆忙猶輪使硯懶尚事持茶  
買硯云汾獻升雲鼎秦遺蝕雪碑曹娥江云沙冷雁  
三二天長帆有無七言送蜀客云峨眉雪罷添巴水  
玉壘雲空見蜀星白浪不浸魚復陣青苔猶護劔關  
銘顯放翁誠齋倡和云顯徧鮫綃乾碧海吹將鶴笛  
上青天道山堂前梅花云太乙神仙遊冊府秦王學  
士憑欄杆懷墅云已是飛來鷓鴣了可能落到牡丹  
花讀曼卿詩云東西都漢猶司馬三百年唐只次山

答人云晉書好傳偏安石唐世諸人且樂天送歙守  
云龍尾石須分幾寸牡丹花不望頭網池西云旋作  
池來分別曲略教花處似蘇隄梅花云相依豈恨移  
來晚欲慙猶須說到明絕句尤多佳者都下云柳生  
春思拂京華不管閑人也憶家添畫好香那睡得月  
痕如水浸梨花中秋夜登秀臺二絕云青冥風露無  
人管醉力飛昇入桂臺月過斗西親挽住伴人騎鶴  
去蓬萊冰娥看盡人間世好事如公不數枚却喚清  
壘相揖酌汝聽下界息成雷梨花詞云殿頭催引上  
清華獨奏春詞唱賜茶帶月歸來仙骨冷夢魂全不

到梨花晚泊江口云白鷺青剡煙江口梅六七分經  
雪後月肯流連相伴酒隔岸呼船有魚否五言古體  
答辛幼安云青天不惜日壯士偏知秋自古有竒畫  
如今空白頭彼時當再來吾老不可留天推壁上  
星入銀河流躔度若此急人生與之浮終夜自起舞  
無人共登樓典謨有陳言河洛非故州黃鶴呼不來  
誰能理殘裘此篇甚高古

杜旗伯高題蘭亭序云君勿笑新停相對泣却勝蘭  
亭暮春集白頭吟云長門作賦值千金不知家有白  
頭吟二詩皆有味

王元澤詩不滿百度關山篇云萬馬度關山關山三  
尺雪馬盡雪亦乾沙飛石更裂歸來三五騎旌旗映  
雪滅不見去時人空流磧中血古樂府無以加春懷  
云朝日上屋角百鳥鳴不休豈復辨名字但聞鬧鉤  
鞞亂我讀書語驚我夢寐遊彎弓彈使去暫去還  
啾啾彈十不得一丸窮來愈稠拔弓坐榻上咄咄空自  
尤時節使汝鳴我何為汝讐絕句云一雙燕子語簾  
前病客無慘盡日眠開徧杏花人不到滿庭輕雨綠  
如烟霏微細雨不成泥料峭輕寒透夾衣處處園林  
皆有主欲尋何地看春歸殊有乃翁思致

獵較集前已摘數聯晚温故讀再錄昔遺忘者七言  
雪中云但能閉戶酌季雅安用馭風尋伯昏種蕪菁  
作羹云且喜蕪菁種得成臺心散出碧縱橫脆甜胸  
子無反惡肥嫩羔兒不殺生樂羊豈斷兒孫念劉季  
寧無父子情爭似野人茅屋下日高淡煮一杯羹歷  
世云面朋面友風雨散山鳥山花淡薄交一榻瓊璣  
容獨卧滿林杞菊是蕪菁五言云天寒猶着絮雨濕  
欲蒸吳地人情薄西風客計疎無書堪著眼有法  
可安絕句云誰倚黃旗喚阿瞞令君終作可憐人  
蕭然唯有鹿門老不帶孫劉一點塵輕陰小雨晚難

後村先生大全集  
收柳瘦梅窮却似秋可恨水仙花不語無人共我說  
春愁春怨云梨花雨送海棠風不借胭脂作小紅幾  
日無人吹玉笛鴛鴦飛入館娃宮此老筆力有謫仙  
風骨集中有云老鶴梅拋青嶂裏客星倦倚紫微邊  
又云而今心服陶元亮作得人間第一流豈非深悔  
晚出之誤與

潛山集多不經人道語此公讀書多氣老筆適題顏  
魯公像云千五百年如烈日二十四州惟一人朝衣  
視坎趨前死羽服行山即此身與客晚集云足下一  
來同晚步先生小住大村春春晴云四野綠迴春補

闕亂山塵淨雨修容懶軒云經年不濯子春足半月  
纔梳叔夜頭止酒云縉紳處士議所以將軍貴人須  
畢之月夜云琉璃虛空甚圓滿紫磨山川更新鑄梅  
花絕句云姑射山頭冰雪仙人間一見便豐年却應  
羞死琴臺女不得乃翁公一錢荷珠云客來切勿令  
觀此蕙苾猶能困伏波如大槐小草木偶芻靈朝采  
夜光立豹蹲鷓口伐手設木上座麩先生千金子萬  
玉妃童欺我老農報予春下巖研正焙茶昏的對  
王逢原集張巡篇云祿兒射火燒九天鬼手不撲神  
聽旃群庸仰口不肯唾及出長喙噓之燃睢陽城窮

縮死鼈危繫一髮懸九淵  
巡嗔晚遠兩皆拆怒嚼齒  
碎鬚張肩恨身不毛劍無翼  
不能飛去殘賊燕翁去  
腥刀兒磔俎日嚼月血猶經  
年霽雲東攘兩臂去西  
來才有久指還胃中憤氣吐  
不散去隨箭入浮屠搏  
思窮智索莫自効更嚮愛妄  
嘗饑涎我疑沒日賊不  
食恐其肉醜死不痊又疑身  
骨不化土定作金鐵埋  
重泉何時山移陵谷變  
發出移陵谷戈鋌吾如得之  
願有用不誅已然誅未然  
此作出盧仝上交難贈杜  
漸云兩鼠共謀渴相飲  
期入水一鼠下縋缶一鼠上  
銜尾前鼠以之跌後鼠以之  
死鼠死何足噫夫人纔

可悲平地把手笑乘崖撥足擠賊防易為力壯捷  
墻籬交防難為人笑面惡肝脾前日信其是今日悟  
其非安得先知明有如灼火龜然則奈之何期子同  
吁噦此必有為而作誰氏子云嫋嫋誰氏子鮮鮮一  
何姝來奔富人家妻與富人俱嚴粧問夫子我豈彼  
室如夫子笑遣之彼寧與汝都升堂由阼階德色溢  
以舒親賓不敢笑退語相噦吁高堂聚群婢唯諾相  
恣睢家事忽不圖顧指取自如朝令折桂薪暮遣藩  
籬除風雨半夜來百釁生不虞屋壓盜隨至夫死別  
嫁夫東鄰有淑子性不事訟朱端居大人求正色不

願護清鏡見白髮行謀不顧問不知愛妻人取舍何  
異與詞似意王建張籍哭詩云目雖淚所出由來心  
乃源白日睨我面意欲乾沈瀾而不照我心我淚何  
由乾况在重雲遮使我何自安又云目存多所見不  
若無目完山中云山中亦有出山路山人自不與世  
通拂衣行起飲流水枕書就臥聽松風地寬江河競  
搖蕩天闊日月爭西東乾坤自為四時役萬事不到  
幽人甯集中新意快句不可勝紀如舟方乘兮入不  
吾以覆且溺兮我同人死東蒿為楹樗為柱居者略  
不憂其顛吾觀世之人陷此者不啻火立向足燔豈期

既自悟不思跳出乃欲踰井方崩兮治墜屋且  
雕椽傾江竭河論麩水都投人海為酒池中間  
不盈掬日益醞釀成澆漓不知淳風竟何適萬  
手齊舉招不迴五言云清醒甘澤畔富貴奈墻間劍  
折終羞屈簡遺不改香其論文云星緯織成副地錦  
歐冶鑄出春天矛文章日組緯玉機飛金梭雖有真  
繩結作張麟羅老成終到孔窮死亦為顏不能繩  
我怠何力禁人叛不知里社歌不可郊廟施梅花云  
那知後世無所用兒嚼不美還棄之贈王平甫云古  
人誰云朽死魄如可召其詠物馴鹿云祇消指馬相

可有逐原人豺狼好爪牙應笑角如麟水車云上潤  
業已然下竭將奈何雁云關塞風高夜江湖木落秋  
紙鷲云纔乘一線憑風去便有愚兒仰面看春雪云  
蟄戶開重瑾冰魚上復沉東園云天桃未老已抽青  
約略朱旗冠翠纛雖然素李不爭華似洗朱丹誇瑩  
皎昔讀廣陵集草草用朱筆點出妙處子修弟手  
記予所點者于冊晚見子修所抄矣又偏盲不能  
盡閱冊子遂再選一番本朝諸人惟逢原別是一種  
如靈芝慶雲出為祥瑞半山崛強於歐蘇無所  
置喙非苟歎服後生者

逢原集中有呂吉甫所答五言云東海有滄溟西極  
有崑崙子已其舟車我亦為楫輪吉甫能為此言豈  
非近朱者赤耶

方豐之德享及與呂紫微交遊放翁序其詩梅花云  
天女終降大居士登伽惟撓小乘禪又云老夫六賊  
銷磨盡時為幽香一敗禪漁父云已携巨鯉換新粳  
尚有鱖鯪得自烹聞道烹鮮易煩啐呼兒無用苦為  
羹歷崎道中云漠漠春陰接海低濛濛晚雨傍山飛  
半歌古埭無人過時有村童護鴨歸海口云白是鹽  
埕青是麥誰云斥鹵不堪田五言云魂夢無金印生

涯有瓦盆

楊大年西崑酬唱集序略云予景德中忝佐修書今紫微錢君希聖秘閣劉君子儀竝負懿文尤精雅道予得以遊其墻藩而咨其模楷因以歷覽遺編研詠前作更迭唱和互相切劘入蘭遊霧雖獲益以居多觀海學山歎知量而中止雖榮于託驥亦愧乎續貂凡五七言律詩二百四十七章其屬而和者又十集人折為二卷取玉山策府之名命之曰西崑酬唱集今考十五人者丁謂刁衍張詠晁迥李宗諤薛陳越李維劉隲舒雅崔遵度任隨錢惟濟有名秉

不看姓王沂公只有一篇在卷末

攷翁長短句云元知造物心腸別老却英雄似等閑  
祕傳一字神仙訣說與君知只是頑一句叮嚀君記  
取神仙須是閑人做君記取封侯事在功名不信由  
天元來只有閑難得青史功名天却無心惜漁父詞  
云一竿風月一蓑煙兩家在釣臺西住賣魚生怕近  
城門况肯到紅塵深處潮生理擢潮平理纜潮落浩  
歌歸去時人錯把比嚴光我自是無名漁父鷓鴣天  
云杖履尋春苦未遲洛城櫻笋正當時三千界外歸  
初到五百年前事總知吹玉笛渡清伊相逢休問姓

名誰小車處士深衣叟曾天津共賦詩好事近 云  
混迹寄人間夜夜畫樓銀燭誰見五雲丹竈養黃芽  
初熟春風歸從紫皇遊東海宴暘谷進罷碧桃花賦  
賜玉麈千斛又云平旦出秦關雪色駕車雙陸借問  
此行安往賞清伊修竹漢家宮殿劫灰中春草幾回  
綠君看變遷如許况紛紛榮辱朝中措去怕歌愁舞  
懶逢迎粧晚託春醪搃是向人深處當時枉道無情  
關心近日啼紅密訴剪綠深盟杏館花陰恨淺畫堂  
銀燭嫌明情知言語難傳恨不似琵琶道得真其激  
昂感慨者稼軒不能過飄逸高妙者與陳簡齋朱希

賢相頡頏流麗綿密者欲出晏叔原賀方回之上而  
世歌之者絕少

項平庵祭辛幼安文云人之生也能致天下之憎則  
其死也必享天下之名豈天之所生必死而後美蓋  
人之所憎必死而後止嗚呼哀哉死者人之所惡公  
乃以此而為榮予者公之所愛必當與我而皆行苟  
旦暮而相從固予心之所愛尚眠食以偷生恨公行  
之不待自昔哀諫未有悲於此者

平庵五言絕句武夷鐵笛亭云夜嘯千崖裂朝吟萬  
象蘇山人大自在無淚將君鬢諸葛祠堂云羽扇白

行林先生文集  
見研堂  
綸中堂堂六尺身我評秦漢下宇宙只斯人永州云  
日日長沙岸看雲只念家如何永州夢偏愛在長沙  
款乃曲云靄迺出深溪湘山日落時若非堯土哭即  
是楚神啼雜五言如隆中評劉牧云阿琦去梯策尚  
識抱膝公誰云豚犬愚頗復勝乃翁又平生萬事偽  
惟有病是實時方攻偽其言如此

六言和王仲衡尚書云聖賢生世不數文章何代無  
人一言蔽思無邪三萬解曰若稽

七言八句讀三國志云曹劉有志混華戎無奈吳兒  
兩炬紅赤壁焰燒雲夢澤夷陵光照永安宮人間身比

鼎三足天上無因日再中惟有葛公心未死夜深寒  
月照孤忠路旁有因梅竹以編籬者云已生野外更  
籬根仍與蚩氓補斷垣博士低頭乘虜障王姬掩面  
嫁烏孫風枝雨葉無生意粉靨朱唇有淚痕說與調  
羹吹律事老農那信腐儒言雜七言如送水心淮東  
總領云藍縷疾耕家四壁鐵衣高卧日千金四朝餉  
士前無古一旦和戎患至今如送邕州高教授云君  
行回雁前頭路我上杜鵑無處船夔州永安宮云吳  
娃解掩夫差面難繫劉郎一寸心  
公瑾欲以子女  
玉帛留備于吳  
送陳上齊納官還鄉云正爾釣絲江上去依然羽扇

篋中情藏秃筆云莫欺貧士無檀施時向文房度一  
僧澗上云全家寢食淙琤上韶護聲中過百年和人  
云窓中見日知晨暮瓶裏看花記歲時新讀子書多  
乙者舊吟詩藁盡丁之詠拋球云綵球丹柱倚春風  
寒食清明罷綉工漢北將軍貪躡躡豈知兵法在吳  
宮

七言絕句春日隄上云高高下下十五里白白紅紅  
千樹花總在踈籬斷垣裏背隄臨水少人家見梅云  
草枯葉脫四山童萬里長天一月空數點寒梢著紅  
蕊人間驚喜見春風次韻羅郢州送別云江上相留

不肯留渡江沿岸却回頭漢江東去人西去不見高  
城始是愁楮州路口小雨云三十年前過此時一雙  
青髻綰青絲如今舊雨猶相記只傍星星白處吹落  
帽臺云千山搖落萬林空數點黃花酒盞中半破接  
籬誰耐管已將身世付西風分明屈子獨醒愁故作  
南華醉夢遊豈是晉人真愛酒渠儂心事更悲秋上  
云兒時飛鞚得金隄掣電驚風過馬蹄今日筍輿  
搖醉帽城東一日到城西

與潘德文倡和糟蟹詩押險韻至六首皆新奇而首  
篇尤工大戴笑汝無亢空雙螯小戴笑汝有筐如子

行木夕三九全集  
見石堂  
臯太玄笑汝長耶索入穴慚螿升慚揉知心但有畢  
吏部卧起與汝同酒糟後來愛者蘇長公亦只許汝  
中山醪固知合向一邱老安得上與三辰翺長公貌  
喜心未敬雖羨微生猶惡饗我疑吳儂修稻怨和林  
醢汝償民膏雖然因此得長醉痛貶未必非深褒又  
疑畢叟如劉掾曾以螟蛉輕二豪故回左手就箕踞  
持螯藉糟成兩高

石湖詩三十四卷五言如思陵挽詞云寇降千楔榆  
胡拜兩單于首山銅鼎就前殿玉卮空病中云目青  
浮珠珮聲塵籟玉簫注水瓶花醒吹薪鼎藥潮丙午

元日云童心仍竹馬暮境忽蒲輪春晚云繡地紅千  
點平橋綠一篙棟花來石首穀雨熟櫻桃詠懷自嘲  
云退閑驚客至衰懶怕書來挽趙密太保云鬢凋猶  
陞戟心在惜弦弓

六言久病或勸遊適云羸似蓍婦多忌倦似田翁作  
勞玩具僧梳剔屨懽惊丁尾龜毛請息齋云洞門畫  
掛鐵鎖閣道秋綠苔著下略同龜伏瓜中且免蠅來  
又云勞君敬枯木耳恐汝見濕灰馬

七言發令江云船尾竹林遮縣市故人猶自立沙頭  
將至吳中云新事略從年少問故人差覺座中稀玉

麟堂會客云不用忙催銀燭上醅醖如雪照黃昏秋  
晚閑吟云旁若無人鼠飲硯麾之不去蠅登盤丙午  
新正云病憐柳粟隨身慣老覺醪酥到手遲又云人  
情舊雨非今雨老境增年是減年口不兩匙休足穀  
生能幾履莫言錢行營壽藏云縱有千年鐵門限終  
須一箇土饅頭偶書云已耳楫勤為圃休向滔滔若  
問津親鄰招集強往便歸云氣衰况復三而竭心賞  
尤于四者難一龕云與老有情冬後煖去仙無幾日

高眠

七言絕句昌化云翠染南山擁縣門一洲橫截兩溪

分長官日永無公事卧聽灘聲看白雲長沙王墓云  
英雄轉眼逐東流百戰工夫土一坏蕎麥茫茫花似  
雪牧童吹笛上高邱處州鷲花亭云山碧叢叢四打  
圍垣將舊恨訪黃鸝纈林霜後黃鸝少須是愁紅萬  
點時續長恨歌云別後相思夢亦難東虛雲路海漫  
漫仙凡頓隔銀屏影不似當年取次看楓橋云朱門  
白壁枕灣流桃李無言滿屋頭墻上浮圖路旁堠送  
人南北管離愁次韻陸務觀云離合紛紛怕遠遊遠  
遊仍怕賦登樓何須一望三千里望盡西州轉更愁  
田園雜興云騎吹東來里巷喧行春車馬鬧如烟繫

牛莫礙門前路移繁門西碌碡邊汗菜一稜水周圍  
歲歲蝸廬沒半扉不著芟青難護岸小周撐取葑田  
歸槐葉初勻日氣涼葱葱鼠耳翠成雙三公只得三  
株看閑客清陰滿北窓采菱辛苦廢犁鋤血指丹流  
鬼質枯無力買田聊種水近來湖面亦收租古鼎作  
香爐云雲雷縈帶古文章子子孫孫永奉嘗辛苦勤  
銘成底事如今流落管燒香

石湖長短句醉落魄云馬蹄塵撲春風得意笙簫逐  
款門不問誰家竹祇揀紅粧多處燒銀燭碧雞坊裏  
花如屋燕王宮下花成谷不須悔唱陽關曲直為海

棠夜合來西蜀南柯子雲恨望梅花驛凝情杜若洲  
香雲低處有高楼可惜高楼不近木蘭舟緘素雙魚  
遠題紅片策秋欲憑江水寄離愁江已東流那肯更  
西流 春若有情春莫去花如無恨花休落

茶山詩十五卷九百一十篇者是也續刊後集亦十  
五卷然中間多泛應謾與者前輩所作猶自刪其半  
今人乃並存而不削欲其行世難矣

稼軒五言絕句元日云老病忘時節空齋曉尚眠兒  
童喚翁起今日是新年偶題云黃花眼倦開見酒手  
頻推不恨吾年老恨他將病來七言云錯處真成九

州鐵藥 得幾釣絲酒腸未減長鯨吸詩思如抽

獨繭絲皆佳句然為詞所掄

後村先生大全集卷之一百八十